

金

石

萃

編

金石萃編卷四十六

賜進士出身 誥授光祿大夫刑部右侍郎加七級王昶撰

唐六

陸讓碑

碑連額高七尺六寸廣三尺九寸共三十四行行五十一字額題隨文州總管光祿卿陸使君碑十二字並正書

□□□□□□□□□□□□□□□□□□□□州總管光

祿卿□□□□□□君之碑

□□□洗馬□陵□□撰

太原郭儼書

□□□□魏冠軍□□州刺史行□□物□□
邊求□□寄得人斯在祖政周驟騎大將軍儀同三司
恒涇二州刺史□都□公幼遭不造居貧致□孝泉之
感達□幽明雖累□□□不忘其本俯拾青紫家風
無墜□鍾儀楚奏莊烏越吟事□其人未□□載以今
況古□有慙焉父□□八□□□光□大夫侍中大司
馬□司寇大司徒秦襄陝三州總管綏德定公器宇宏
亮神□俊傑□□所寄總握兵□使□卽定公之第五
子也幼挺岐嶷之姿早標令問之譽機神穎敏識□宏
深以保定五年釋褐左□□□從□例也爰始弱冠時

人以宿望□之□□□□□□□□□□□□□□□□

□□□□斯□□□□□□□□□□御□少納言□侍□幄

□□之道□□升□□□□□□□□之□斯□僉議惟允嘉

聲裁穆□□□□信□股肱□年以從周武皇帝平晉

陽之功又遷使持節儀同大將軍安澤縣開國侯邑□

百戶□□□駟□□□百匹執干戈以定□□警□□

而蕭鈞陳位列三槐爵隆芋土祿兼萬石名冠八龍將

□□□榮名□襲宣政元年詔□□陽□□進封安澤

縣開國公增邑二百戶名高五等位□十邑宏才懋實

榮□一時□□□□□□會□事□□□□□□□□□□

| | | | | | | | | | |
|-----------------------------|------------------------------|--------------------------|-----------------------------|------------------------------|----------------------------|------------------------------|------------------------------|-------------------------------|----------------------------|
| <p>事顯州刺史公下車布政口服其口字彼口抑茲口</p> | <p>地風俗未淳口洞阻深雄豪為梗乃以公為顯州諸軍</p> | <p>德口肅刑口以口以口十三年又以顯州之</p> | <p>史散官如故口季又口文州諸軍口文州總管口導</p> | <p>口口攸歸宜加榮命用申優擢口廣州諸軍事廣州刺</p> | <p>儀同三司口納口陸讓器口口口口口口口口久</p> | <p>口萬類任切共口綏邊之寄非公莫可乃下詔曰開府</p> | <p>爽口口口口口口口口有口口口口口口口代伊始口</p> | <p>口口口口口口口口口口鼎口方口寄於鹽梅口言口無</p> | <p>口口口口口口口口口口口口口口口口口口口</p> |
|-----------------------------|------------------------------|--------------------------|-----------------------------|------------------------------|----------------------------|------------------------------|------------------------------|-------------------------------|----------------------------|

禦導之以德齊之以刑易俗移風口成暮月聲馳口越

化口萬口大業五年詔口光祿口口口惟公器量宏

口口口口口口口口口口入侍帷展既日腹心

出宰名藩寔宣王化故能爲政以成德立德以濟口厥

志不迴其儀匪忒汪口口口口不能口其志肅肅焉風

霜不能改其節喜愠不形於色在貴不以凌人容止可

觀行爲口則所謂珠生合浦玉產藍田口口琳口口口

餘慶口口不幸口疾春秋六十有二以大業六年正月

口日薨於河南郡雒陽縣之私第卽以其年二月口口

口口口長口縣之高口原夫人隴口李氏口口魏公口

之口大將軍趙郡公晏之女也口眉口禮相待如賓
門雍穆口口敬口口于窻口口兄弟以御于家
邦口公之謂口隨之云口口因口避口口口
曆以 大唐貞觀口口年歲次癸卯十月口未口口
六日壬寅口葬於雍州三口縣口口原禮也第口子口
口口縣令口叡幼口荼蔡毀瘠過禮口庭之口口世
無口口口之心終天口口口口宅北斯安式紀口
口乃口銘曰

舜口于嚳媯育口口木枝派口口其口口口口口
口名口口口允口口口口口口口口口口口口口口

□□□□其人□沈□亂□事莫□徒聞□□□為魏

臣□□安□稟德高門爵隆位顯名揚□尊□□□□

□□□□□□□□□□□□德□□降靈川岳智

□□齒□□□學繼此□□挺□□覺□璧□□□□

□□為□□□□□□□□宏獻□乃蕭鉤陳□□□

陛使繁紫宸偉□令德猗歎□人三□□九□□□

□壽□□□功□□氣烈□□□□冬日懋德懋□且

文且質□□周德有隨革命知人□括□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

□□蒙風馳景迴□逝川□□此□□言□□□□
□□□□□□□□□□炎涼□□□□子□□□
□□□□世有隆□□□□□□□□□□隲芳□□
遠□微□□

按陸使君先世歷仕晉宋魏周諸朝使君官至使
持節儀同大將軍安澤縣開國侯宣政元年進封
公官爵不爲不顯而各史皆無傳碑中亦無事業
足稱可見文章勲伐皆吾人所當自立否則雖躋
顯位猶朝榮而夕替矣又按使君以保定五年釋
褐歷仕周隋入唐又膺顯爵宗社滄桑罔知臣節

此歐陽公馮道等六人傳所太息痛恨者乃及其
既沒而爲碑志者猶復恬不爲怪轉以歷朝所授
官階侈陳鋪叙以爲榮幸則是輕大節而忘廉恥
文卽工又何取焉隋唐之交碑志類此者甚多封
書於此後來珥筆文人不可不引以爲戒

蓋文達碑

碑四面環刻碑陽二十七行行四十四字今殘四字
連額高六尺一寸五分廣三尺二寸五分額題故蜀
王師蓋府君之
碑九字俱正書

尚書上柱國燕國公子志寧字處謚作此文

竊以仰觀俯察八卦於是列焉依類爲形六籍所以生

矣陳卑高之序定君臣之儀口國辯方化民成俗闕不
大哉於是西河闡以儒風北海敷以至教四方挹其茂
範百代稟其徽猷况蹈六行以揚名蘊九德以闕表道
爲人師紹關里之頽風宏稷下之墜業見之正議大夫
蜀王師矣公諱文達字藝成冀州信都人也闕高山以
畫九州營丘佐姬平牧野以開四履鴻代承家口口分
社人物弈葉高軌銘於景鐘英傑蟬聯芳闕曾祖慶魏
彭城王記室叅軍樂陵郡守碣宮肇建卽預文房茅土
始封遂居分竹祖延齊安平王計曹從事闕超牧馬以
騰芳駮駕魏口冠應劭以驥首父未隨幽州薊縣令德

光馴雉化美去蝗仁風表於茲哥政教彰闕稟淳和之

氣凌峻撫之精雅量淹遜識度開濟比子昂之德行聲

動朝倫方季口之容儀光照隣國懷清貞闕重然諾而

略兼金博撫石渠踰蔡雖之萬卷學該藏室邁惠施之

五車縛藻麗於雕龍雄辯析於非馬入其闕芝蘭遊其

門者若聞絲竹可謂照灼千祀口口一時者焉隨煬帝

以當璧握固大橫纂臚命翹車以招英口闕名碩儒公

以經明行修孤標獨秀大業三年授同安博士九年特

敕除守國子助教泊三靈改卜六口闕言於睿宗

崇函技於泮水武德元季授國子助教今上韜光藩

服歷試艱難虛左用佇奇才開館以口口闕辟來遊府

朝遂得文預題鞭 恩參置醴聖人嗣膺寶鼎君臨區

宇業盛配天功齊造化循韶夏之舊軌闕風以公學冠

當時除國子博士雖曹志之篤行江統之高名未之連

步成均比肩璧水十年 詔授員外散闕諫議大夫國

子博士如故懷匪躬之節抱忠公之心同少翁之善言

方紀山之鯁直十一年從 駕洛陽官闕補宏文館學

士口步銅駝待 詔金馬切問資以辯對近侍屬於博

問十二季 詔授國子司業左學右口闕謀口上庠下

庠官曹待以綱紀十三年 詔授兼蜀王師匡正藩條

劉寔以多聞見重師範磐石孔演以行闕古雖殊得人

是一十六年丁母憂居喪泣血至性逾於世公負土成

墳孝德甚於泰伯實可訓時勵俗作闕立教宏風爲

羣察之隱括於是逍遙誓誥每服止足之言組織典墳

恒敦滿盈之誠觀陽元謝事意在抽簪闕車情存挂綬

所以退居丘壑有終焉之心十八年 詔授正議大夫

兼崇賢館學士鶴開將啓燕迺矯翼之闕開更招託乘

之客公曳裾未福躡履承華侍公宴闕之蒞闕飛蓋

銀榜之右豈謂峯頽東岳聖人起奠闕西州智士興

云亡之歎春秋六十有七薨雍州開化坊里弟哀感

宸極宮懸止於咸池悲動震方肅成輟闕敕令贈物絹

三百廷粟三百石密事所須率由官給卽以其年十二

月歸葬於舊塋禮也惟公英姿磊落壇闕竦千尋量包

万頃偶潘而稱連璧對郭而号仙口學綜羣書能兼衆

藝羽陵器簡魏冢逸篇揣摩縱橫之辭闕之術囊括往

哲高視前脩定三豕之疑不假卜商之辯决貳負之惑

詎勞劉向之言鴻都於是推高曲臺所闕口陪黃屋或

侍青宮方栲里之智囊鎮南之武庫故能保元口於當

世口口口於後昆世子國子主簿宏式闕口口追悲因

撫之難報對窮泉而長慟思口口之口末懷恐暑往寒

來□□□□延閣鍾移律改□□墜於開

碑文多漫漶其所載歷官始末考舊唐書本傳文達

字及三代名銜在隋時文達所居官並略不書唐書同

又十一年補宏文館學士傳載于十年十二年詔授

國子司業傳載于十三年叙次失其實當依碑為正

前云仁風表于弦哥哥古歌字後稱世子主簿宏式

□世字不闕畫長堂金石跋

按碑前題尚書上柱國燕國公于志寧字處謚作

此文撰人兼書字并不曰撰而曰作此文又一例

也新唐書傳及宰相世系表皆云六子仲謚此作

處謚彼此不同舊唐書傳末徽元年加光祿大夫
進封燕國公二年拜尚書左僕射同中書門下三
品前此未嘗官尚書此碑未著立於何年以志寧
題銜證之當在末徽二年也然新書傳則進封燕
國公在晉王爲皇太子時乃貞觀十七年事則又
當立於十八年歸葬之時矣碑每行四十四字今
拓本下截失塌四字率讀不全僅據其所存者攷
之碑云曾祖慶仕魏祖延任齊父末仕隋魏齊隋
書及北史俱無傳公在隋除守國子助教唐太宗
初除國子博士累授正議大夫兼崇賢館學士春

秋六十有七薨於雍州開化坊里第卽以其年十
二月歸葬舊塋末云世子國子主簿宏式恐暑往
寒來鎮移律改云云玩其語意似係葬後逾久而
始立碑也兩唐書本傳叙官年數與碑參差本紀
書幸洛陽官乃十一年事碑稱十一年從駕洛陽
宮補宏文館學士則碑不誤傳作十年者誤也碑
云今上以公學冠當時除國子博士傳則云爲秦
王文學館直學士碑與傳俱不同文學館百官志
亦無攷其後兼崇賢館學士則新書百官志云貞
觀十三年置崇賢館上元二年避太子名改曰崇

文也蜀王愔太宗第六子貞觀十年改封蜀王轉
益州都督十三年除岐州刺史數爲非法削封并
及國官之半文達傳云以王有罪坐免而碑則云
匡正藩條師範磐石丁母憂退居邱壑有終焉之
志云云是文家迴護之詞也碑書容儀藩條旁皆
从彳尙是舊習函丈作函杖借用字里第作里弟
則從篆矣

太宗祭比干文

喪本高廣尺寸行數
字數俱無考隸書

維大唐貞觀十九年歲次乙巳二月己亥朔廿日戊午

皇帝敬遣大府卿蕭欽宗正少卿駙馬都尉長孫沖等
持節以少牢之奠祭段故少師比干之靈朕聞龍躍鳳
翔必資鱗口口口御下必藉忠良元首股肱其道尙矣
惟君誕靈山岳降德星辰苞金石以爲心蘊松桂而爲
質不以夷險易操不以利害變口口津之師拒高風而
莫進朝歌之滅資至德而延期且道喪時昏奸邪並用
暴君虐主正直難居是以江漢神龜殘形由於蘊口口
山和璞碎質以其懷珍丹耀彩而磨肌翠含色而解羽
驚風拂野迴野先彫零雨被枝高花早墜良由佩奇街
美獨秀迹貞雖口口任亡詎能遣凶殘之累智周萬物

不能離顛沛之艱然則大夏將崩非一木之能止天道
去矣豈一賢之可全且夫口過顯口口口惡忠臣之
義也三諫不入奉身而退聖人之道也何必殉形於國
以速商段之亡剖心於朝以深獨夫之罪每懷此口口
口口口者觀朕斯言以爲飾非拒諫智者明於此意
當知惜善愛仁歎往括之不追嗟後賢之未及然則犯
顏色逆龍鱗奮不辰口口口貳蹈斯節者罕有其人非
知之難行之不易所以永懷千古駐駕九原悽愴風煙
靡尋餘跡荒涼丘隴空有口名昔周武封口口表德
姬文葬骨異世司臣雖今古殊途年代冥漠式遵故實

委贈大師清酌少牢以陳薄禮遊魂□□□□嘉誠
司徒太子太師趙國公無忌

開府儀同三司申國公士廉

光祿大夫民部尙書莒國公唐儉

吏部尙書駙馬都尉柱國安德郡開國公楊師道

中書令江陵縣開國子岑文本

正議大夫守中書令兼太子左庶子馬周

中大夫守黃門侍郎褚遂良

右貞觀十九年二月卅日無忌等奏請以贈比干詔并
祭文刻石樹碑奉勅依奏

前左宗衛鎧曹叅軍事宜輝文館臣薛純隨書

按比干墓在河南府偃師縣西北一十五里太宗
貞觀十九年二月庚戌如洛陽宮以伐高麗道經
河南遣官以祭也舊唐書本紀二月乙卯贈殷比
干爲太師謚曰忠烈命所司封墓葺祠堂春秋祠
以少牢上自爲文祭之新書本紀但書丁巳贈比
干太師謚忠烈而不云致祭碑則云戊午奠祭且
但云贈太師而不云加謚各有詳略不同文又云
三諫不入奉身而退聖人之道也云云此與魏孝
文弔比干文迥別深能表比干之忠且太宗任賢

納諫保全忠直之盛心藹然溢于言外遣祭者大府卿蕭欽及宗正少卿駙馬都尉長孫沖等蕭欽兩史無傳長孫沖尙長樂公主主爲太宗第五女長孫皇后所生沖爲后兄無忌子官至秘書監駙馬都尉後列七人名官爵與史傳同是時輔太子守定州者三人無忌士廉馬周也從征者二人楊師道岑文本也從獵洛陽者一人唐儉也褚遂良則但書其上疏諫伐而不言其從征與居守又七人中前二人不著姓後五人著姓所未詳也後題貞觀十九年二月卅日無忌等奏請以贈比干詔

并祭文刻石樹碑奉勅依奏蓋祭告後十日也今刻石者祇有祭文而缺其詔矣未題前左宗衛鏗曹叅軍事宜宏文館臣薛純陁書書體八分純陁唐書無傳惟廣川書跋云薛純陁秘書省正字與此碑結銜不同廣川又云貞觀十二年純陁奉勅書砥柱銘當時如虞伯施褚登善號能書者皆避而讓之其書筆力有餘點畫不失尙多隸體氣象奇偉猶有古人體法又朝野僉載有云歐陽通詢之子善書薛純陁亦善歐陽草云云是純陁之有書名如此又純陁二字見涅槃經佛將涅槃受純

隋最後僕翻譯名義云純隋是西音妙義是此語
是薛純隋命名之義殆有取于是歟百官志武德
五年改太子左右武侍衛率曰左右宗衛率府又
有鎧曹參軍事二人掌儀衛兵仗皆太子衛職貞
觀中鎧曹廢碑云前者未廢以前所任也宏文館
亦隸東宮官碑爲朱時翻刻故文中兩般字皆缺
筆作段坊字仔字照摹本缺並非泐文貳作貳疑
摹者之誤

晉祠銘

碑連額高一丈一尺二寸八分廣四尺九寸四分二
十八行行字四十四至五十不等正書在太原府

晉祠之銘并序

御製 御書

夫，邦建國資懿親以化輔分珪錫社實茂德之攸居
非親無以隆基非德無以啓化是知功侔分陝奕葉之
慶弥彰道洽畱棠傳芳之跡斯在惟神誕靈周室降德
鄴都疏派天潢分枝璇極經仁粹義履順居貞揭日月
以爲躬麗高明之質括滄溟而爲量體宏潤之資德乃
民宗望惟國範故能協隆鼎祚贊七百之洪基光啓維
城開一匡之霸業既而今古革運舟壑潛遷雖地盡三
分而餘風未泯世移千祀而遺烈猶存元化曠而無名

神理幽而靡究故歆祠利禱若存若亡濟世匡民如顯
如晦臨汾川而降祉構仁智以摛神金闕九層鄙蓬萊
之已陋玉樓千仞恥峴闈之非奇落月低於桂筵流星
起於珠樹若夫崇山亘峙作鎮參墟襟帶逸亭標臨邛
土懸崖百丈彝日虧紅絕嶺萬尋橫天聳翠霞無機而
散錦峯非水而開蓮名鏡流輝孤巖霄朗松蘿曳影重
谿晝昏碧霧紫煙鬱古今之色麗霜絳雪皎冬夏之光
其施惠也則和風溽露是生油雲膏雨口口其至仁也
則霓裳鶴蓋息焉飛禽走獸依焉其剛節也則治亂不
改其形寒暑莫移其操其大量也則育萬物而不倦資

四方而靡窮故以衆美攸歸明祇是宅豈如羅浮之鳥
拔嶺南遷舞陽之山移基北轉以夫挺秀之質而無居
常之資故知靈岳標奇託神威而爲固加以飛泉涌砌
漱石分湍縈氛霧而終清有英俊之貞搯任方圓以成
像體聖口之屈伸日注不窮類芳猷之無絕年傾不溢
同上德之誠盈陰澗懷冰春留冬鏡陽巖引溜冬結春
苔非疏勒之可方豈曝布之能擬至如濁涇清渭歲歲
同流碧海黃河時時一變以夫括地之紀橫天之源不
能保其常莫能殊其搯信乃茲泉表異口口口口爲珠
仰神居之肅清想德音其如是在是以朱輪華轂接軼於

壇衢玉幣豐口連箱於廟闕氤氳靈氣仰之而彌高昭

晰神光望之而逾口潛通元化不爽於錙銖感應明徵

有逾於影響惟賢是口非柔稷之為馨惟德是依口口

口之為惠昔有隨昏李綱紀崩淪四海騰波三光戢曜

先皇襲千齡之徽號膺八百之先期用竭誠心以

祈嘉福口口口恢發跡神邦舉風電以長驅籠天地而

遐掩一戎大定六合為家雖膺錄受圖彰於天命而克

昌洪業口口口口口茫茫万頃必俟雲雨之澤巍巍

五岳必延塵壤之資雖九穗登年由乎播種千尋聳日

本藉崇基然則不雨不雲則有口口之害非塵非壤則

有傾覆之憂雖立本於自然亦成功而假助豈大寶之
獨運不資口口口靈福者乎故無言不酬無德口口所
以巡往跡賽洪恩臨汾水而濯心仰靈壇而肅志若夫
照車十二連城三五帟雲委珎羞山積此乃庸鄙之
享恐非明口所歆正當竭麗水之金勒芳猷於不朽盡
荆山之玉鑄美德於無窮名彼雨師宏茲惠澤命斯風
伯揚此清塵使地口口德於金門山靈受化於龕闕括
九仙而警衛雍百神以前驅俾洪威振於六幽令譽光
於千載豈若高唐之廟空号朝雲陳蒼之祠虛傳夜影
式刊芳烈乃作銘云

赫赫宗周明明哲輔誕靈降德承文繼武啓慶留名翦
桐殞土逸翮孤映清飈自舉藩屏維寧邦家攸序傳暉
竹帛口靈汾晉惟德是輔惟賢是順不罰而威不言而
信元化潛流洪恩遐振沉沉清廟肅肅靈壇松低羽蓋
雲挂仙冠霧口霄碧霞帳晨丹戶花冬桂庭芳夏蘭代
移神久地古林殘泉涌湍繁瀉砌分庭非攬可濁非澄
自清地斜文直澗曲流平翻霞散錦倒日澄明冰開一
鏡風激千聲旣瞻清潔載想忠貞濯茲塵穢瑩此心靈
猗歎勝地偉哉靈異日月有窮英聲不匱天地可極神
女或靡墜萬代千齡芳猷永嗣

右唐晉祠銘太宗撰并書晉祠者唐叔虞祠也高祖
初起兵禱于叔虞祠至貞觀二十年太宗爲立焉石全錄

河東道并州晉平縣晉祠碑唐貞觀二十年太宗幸

并州置御製并書

太平寰宇記

唐得天下後太宗祠晉侯而爲之銘晉侯者周唐叔
後霸天下者也據碑高祖起兵時曾禱于晉侯之祠
而以是報享之太宗製文並書全法聖教序蘭亭而
縱橫自如但石理惡歷年多其銳鍛之存者無幾耳

石墨
鐫華

祠在今太原府西南四十里距今太原縣八里而今縣則古晉陽之故址唐時爲并州爲北都爲河東節度使治昔人立廟於此以祀唐叔考之北齊書已有其名而唐高祖起兵嘗禱於此冊府元龜太宗貞觀二十年正月幸晉祠樹碑製文親書之於石今存祠中蓋昔之并都甚大祠去城三四里爾在懸甕山之麓晉水之所發源後人于此引池結亭架橋其上林水翳然足爲一方之勝其廟負山而東面者晉水之神南面者唐叔之神後晉天福六年封唐叔爲興安王臺駘爲昌寧公而宋時又封晉水爲顯靈昭濟聖

母飾爲婦人之像今之人但言聖母而不復知有唐
叔爲古先有土之君矣水經注云昔智伯過晉水以
灌晉陽後人踵其遺蹟蓄以爲沼沼西際山枕水有
唐叔虞祠水側有涼堂結飛梁於水上北史薛孝通
曾與諸人同詣晉祠皆屈膝盡禮孝通獨捧手不拜
顧而言曰此乃諸侯之國去我何遠恭而無禮將爲
神笑是則當時之所祀者唐叔非水神也祠前蓮花
臺上有鐵人四一紹聖四年一五年造俱完一宏治
十一年一無年月俱壞今之工不及古也 碑陰字
體不一其上右方云司徒太子太師上柱國趙國公

臣無忌太子太保上柱國宋國公臣瑀特進太子詹
事兼左衛率上柱國英國公臣勅光祿大夫刑部尚
書上柱國鄖國公臣張亮禮部尚書上柱國江夏郡
王臣道宗太常卿駙馬都尉柱國安德郡公臣楊師
道正議大夫守中書令太子左庶子兼攝吏部尚書
護軍臣馬周凡七行皆當日書者其餘則皆宋人續
題錯亂無次具空處又有洪武二年行省參知政事
楊憲題而絕無一唐人題者以御書之碑不敢擅刻
也東軒筆錄呂升卿爲京東察訪游泰山題名于真
宗御製封禪碑之陰刊刻搨本傳於四方後二年
升卿判國子監會蔡承禧爲御史言其
題名事以爲大不恭遂罷升卿判監地碑則唐人

之題固彙彙也 舊唐書東夷傳新羅王真德道其

弟國相伊贊于金春秋及其子文正來朝春秋請詣

國學觀釋奠及講論太宗因賜以所製温湯及晉祠

碑并新撰晉書將歸國令三品已上晏饑之

金石文
字記

唐太宗自晉祠興師定天下貞觀二十一年七月御

製碑文及銘勒石於叔虞祠東隅碑陰列長孫無忌

蕭瑀李勣張亮李道宗楊師道馬周銜名後人覆之

以亭而庸工以字畫上石稍淺遂刻而深之帝嘗自

述作書之法惟求骨力骨力既得形勢自生不意為

庸工改鑿而骨力形勢俱失矣予嘗五至祠下輒摩

學是碑覽古興懷集少陵野老詩句文章千古事社稷一戎衣書於亭柱富平李因篤子德見而賞其工因遺書與予定交于其歸也拓銘一本贈之而書其

後麻書亭集

碑首貞觀二十一年七月八字乃文皇飛白書飛白

不傳傳者此八字耳而此本無之亦恨事也錄酒齋書政

按唐書本紀太宗以貞觀十九年十二月幸并州

二十年正月在并州此文當即在是時撰書而碑

首題貞觀二十一年七月者殆摹勒上石在明年

一月也文云先皇襲千齡之徽號膺八百之先期

用竭誠心以祈嘉福又云無言不酬無德不報所以巡往跡饗洪因臨汾水而濯心仰靈壇而肅志是爲高祖禱晉祠起義兵之證高祖紀大業十二年爲太原畱守時羣賊蜂起江都阻絕太宗勸舉義兵高祖乃命太宗募兵旬日間衆且一萬郡丞王威武牙郎將高君雅恐高祖爲變相與疑懼請高祖祈雨於晉祠將爲不利晉陽鄉長劉世龍知之以告高祖高祖陰爲之備是高祖禱晉祠事當卽在此時文云惟神誕靈周室降德鄴都疏派天潢分枝璇極蓋謂唐叔也唐叔封唐因有晉水改

名爲晉水經注山海經曰懸甃之山晉水出焉今在縣之西南其川上澗後人踵其遺跡蓄以爲沼沿西際山枕水有晉叔虞祠水側有涼堂結飛梁於水上左右雜樹交蔭希見曦景文後有云飛泉湧砌激石分湍滌氛霧而終清有英俊之貞操任方圓以成像體聖口之屈伸陰澗懷冰春留冬鏡陽巖引溜冬結春苔卽指此晉水也顧亭林云其廟負山東面者晉水之神南面者唐叔之神宋時封晉水爲顯靈昭濟聖母飾爲婦人之像云云按此碑有云豈若高唐之廟空號朝雲陳蒼之祠虛

傳夜影蓋以高唐神女陳倉寶雞夫人爲比是在
唐初晉水神亦女像也碑陰書從官七人曰司徒
太子太師上柱國趙國公臣無忌卽長孫無忌也
曰太子太保上柱國宋國公臣瑀卽蕭瑀也曰特
進太子詹事兼左衛率上柱國英國公臣勣卽李
勣也曰光祿大夫刑部尙書上柱國鄭國公臣張
亮曰禮部尙書上柱國江夏郡王臣道宗曰太常
卿駙馬都尉柱國安德郡王臣楊師道曰正議大
夫守中書令太子左庶子兼攝吏部尙書護軍臣
馬周七人中四人不著姓三人著姓與比于墓碑

同太祖生八子第四子瑋封畢王生二子長曰韶
生一子卽道宗也貞觀初由任城王徙封江夏史
傳標目直稱江夏王無郡字餘人官爵碑與傳皆
合傳稱馬周初官治書侍御史兼知諫議大夫檢
校晉王府長史王爲皇太子拜中書侍郎兼太子
右庶子貞觀十八年遷中書令猶兼庶子帝征遼
畱輔太子定州及還攝吏部尙書進銀青光祿大
夫此碑書階正議大夫及官護軍與傳不同疑傳
稱進階及官在二十一年以後也碑云興邦建國
資慈親以化輔化輔當是作輔舟壑潛遷壑卽壑

字壑本从容深通川也从至致力於地也此从豁
从土殆從豁得聲

金石萃編卷四十六終

金石萃編卷四十七

賜進士出身 誥授光祿大夫刑部右侍郎加七級王昶誥

唐七

淤泥寺心經幢

幢高一尺六寸五分八厘四面各廣八寸二分四面各廣四寸六分共二十六行行字數不等正書在今京師城內西北隅秀峯寺

佛說般若波羅蜜多心經文不錄

大唐貞觀十二年三月吉日建立

勅脩淤泥禪寺

住持僧三藏比丘號 秀峰禪師

官官張功謹敬德監造

今在京師城內西北隅秀峰寺其末曰大唐貞觀二十二年三月吉日建立誤作三十二以三字改成式字按貞觀止於二十三年此碑疑是後人僞刻然予見兗州龍興寺修三門記宋太平興國七年刻亦以人字改成七字古人碑碣之文亦有草率若此者此碑又曰官官張功謹敬德監造今山東河北寺院多云創自敬德或謂是尉遲敬德非也敬德名恭考許敬宗所作神道碑及本傳竝無鎮幽州事亦不當列於官官之下也又史言尉遲敬德晚年閑居學延年

術修飾池臺奏清商樂以自奉養不交通賓客凡十

六年而不聞其事佛

金石文
字記

按此幢題記不類唐人所爲顧亭林疑爲後人僞
刻是也未題官官張功謹敬德監造敬德或卽張
功謹之表字或別是一人姓名其曰官官則不可
解今之京師在唐時爲幽州范陽郡在武德元年
曰燕州六年自營州遷於幽州城中以首領世襲
刺史其地去長安遼遠授官且用世襲安得有官
官駐於此乎且又不言何官此不知何年有曾爲
官官而流寓於此者造此幢以植福耳姑識之再

以此較聖教序心經標題上多佛說二字經中無
無明下脫亦無無明四字又礙作尋顛作顛阿作
賀

彌勒像碑

碑連額高六尺一寸廣三尺六寸分兩截書上截十
行行三字卽洛州口河南縣云云二十九字下截二
十一行行二十六字正書篆額
彌勒像之碑五字在洛陽伊闕

蓋聞至理微起夫言象之口眞爲眇邈口口希夷之
口而能人降跡隨緣利現紫狀西誕則珠星奄輝白鳥
東馳則金人入夢是口三乘之軌齊驚八正之門洞啓
日用之益可畧言焉自口口三千之前道光汲引塔盈

八万之後歸口寂口口夫口口難遇口口口針人心易
遷同茲斲石何則釋迦現於既往仰企踵而不追弥勒
降於將來俯翹足而難徐居前後而成鄣惟進退而莫
口言念沉淪喟然歎息乃與同志百餘人等上願

皇基永固配穹天而垂拱下使幽塗載曉趣彼岸而口
昇遂於茲嶺敬造弥勒像龕一所地聳雙闕壁映千尋
前泝清流却倚重岫縈帶口薄密迹京華似耆山之接
王城給園之依衛國也既資勝地又屬神工疏鑿彫鏤
備盡微妙以大唐貞觀二十二年四月八日莊嚴斯畢
於口尊儀始著似降兜率之宮妙相初成若在菩提之

樹白豪月照紺髮煙凝蓮目疑動菓脣似說其有禮口
口足瞻仰尊顏者莫不肅然毛豎裕尔心開寔釋梵所
歸依龍天口衛護彼丹青徒煥旋見銷毀金玉雖尔易
以零落豈若因山成固同乾坤之可久刊石爲貞何陵
谷之能質於是勒銘龕口式續靈儀其詞曰

真如眇眇正覺巍巍四宏動念八相流輝鹿園闡法鶴
樹拂衣十方三劫異軀同歸其一口歟逸多正真道備塵

彼遐武補效佛位兜率降神闢浮屠利淨土口啓釋門

閃閃其二思覩形容龕茲巖曲旣彫旣就將起將躡釋梵

真感靈祇幽厲似會龍華如遊雞足其三丹巖重疊清川

澆濛松柱橫叢睥仙來往影留怖鴿手威狂爲妙色湛
然歷劫瞻仰其四

洛州口河南縣思順坊老幼等普爲法界敬造弥勒

像一龕在此碑下近東

此二十九字分作十行大書于額下

右洛州思順坊老幼造弥勒像龕記字畫秀整有虞

歐法度而不署姓名唯彼徒兩字俱從人旁爲異爾

題名稱清信女者數人皆姓而不名蓋女而未嫁者

潛研堂金石文跋尾

碑分四格上層篆額次層正書額中層銘文下層造

象人姓名唐初字體猶有六朝遺意然別字最多至

虞褚柳顏始大變其格字亦審正以此知同文之徵
盛世之事也故許君序說文云諸侯力政不統於王
言語異聲文字異形文字之傳可以觀世變矣此碑
寫斲爲斲者爲耆鑿爲鑿備爲備微爲微果爲菓凝
爲凝豎爲豎豁爲豁彼徒俱从人儀从彳却从刃叢
作叢皆別字玉篇有彼字云邪也蓋以爲頗字今此
以爲彼岸字則卽彼無疑云白豪月照豪不从毛是
正字云松柱檟叢按爾雅灌木叢木詩集于灌木傳
灌木叢木也孔穎達引李巡曰木族生日灌木陸德明
爾雅正義作檟云字又作灌此云檟叢以証陸氏之

有本然實灌字之誤古無橫也 中州金石記

孔穎達碑

碑連額高一丈一尺二寸廣四尺二寸四分三十五行行七十六字正書額題大唐故國子祭酒曲阜憲公孔公之碑銘十六字篆書在醴泉縣北

口唐故太子右庶子口口口口口口國子祭酒口護軍

曲阜憲公孔公碑銘

禮部尚書兼太子左庶子上柱國黎陽口開國公子

志寧字仲謚撰

蓋聞八卦已列書契之迹肇興六藉既陳禮樂之基斯闡是以屬鄉設教道惠垂訓於百王口口口言雅頌口

法□□□如欲化民成俗致遠鉤深非博□□以究其

源非□□□以宏其□□□□聖□□□□□之範

固軼□□而驤首超賈□而矯翼見之祭酒曲身憲公

矣公諱穎達字冲遠□□衡水人也若□□□□□□

帝寧區夏以干戈定樂□□□□□□□□□□霸□

□□□令譽□□□□□□□振力聲□□鼎可謂長

源眇眇將□水而俱遙曾構巖巖與削成而共峻其□

公侯載直簪紱連暉□在緣緇可得而略會祖靈龜魏

國子博士□應□之□□馳譽□□□□□之□□飛

英庠序□□魏治□侍御史□□□□權□□之屏跡

任司□□風俗以之肅□父□□□州法曹叅軍輕重
之□情在公□大小之獄心敏寬簡公蘊靈□智□□
□和□□萬□之□駿□□□之足庭羅俎豆□□升
降□儀□□驟□□□□大之操□韜□□覃思邁於
西河學富□渠沉研冠於東□詞光翰苑文麗綵虹思
極挾天才華日□蹈忠□以行已踐仁信以□身□漢
皇之□□□□照□之□□□□□□重連城之
□聞之者□面而虛□見之者忘言而傾蓋□謂□宗
之□□□□之□□者焉昔大業膺圖□開橫塾賣帛
而徵□□□□而辟□□□□□□□□□□視市□

育口口足使仲遠伏口口口道口以口口口口口口
紀地口口濫觴屈此高才口口口口口家授口口口博
士尋除太學助教口口口口口口口口口口口口口口
口口口口口口口口口口口口口口張比口梁之寓蹟
口口同口口之銷聲既以口口尚阻還蜀無由暨六合
同文八紘口口既口口口之口遂口口口之遊口口口
口口國公口口口口口口口口口口監永興公爲口府文
口館學士口口學博士東膠西序講肆於是重興口口
口口口口於茲口口口口口口國子博士膏梁口口舉口

□□□□□揮汗□□□□□□□□□而□叩
黃髮贊疑□□尊而□□聲實□於關右芳□蓋於淹
中其年封曲阜縣開國男食邑五百戶□□□□□
□□□□□□□□□德貞觀二□改□給□中職亞
□□□□□□□□□堯□□允屬□□四年加員外散騎
常侍□太子中允入口玉裕出侍金輿□重起居寄深
厭替六年除國子司業□□太子右庶子七年□□庶
子兼國子司業以公□□可□□□有□□□□□
□□□□□比□君仲□□子□十年奉勅共祕書
監鄭公脩隋書□直著乎□□微婉表於□□□□□

口口劉口謝特蒙 恩口口口增口口散騎常侍口口
庶子兼國子司業口口制禮作樂口口不用於是口
口多口口口則定口大戴小戴之件錯前鄭後鄭之口
疑往口之所不口口口之口口口公剖茲口節鍼此膏
育足使儀刑口口口澤王化口成口口 口口口賞進
爵爲口口口口口賜物二百口口口以公口口副口口
進議言口左庶子黎陽公特蒙 恩詔口賜黃金一斤
絹一口口十口年除國子祭酒東宮侍口封如故口口
卿名口齊口膺茲寵命口口道光口口口口殊口公乃
再振顏風重宏口 口口口盈於家室頌聲彰於國朝

十口年 口駕幸學親觀釋奠公口口流才口六藝
斐倫之所鑽仰口惠之所口崇 詔公口於講筵口口
口口連口暫口口口其談口英辯一口口慙其河
瀉下帷博學口戶多口口舉雲梯口口戟公金湯口
固樓雉難攻遂使口口倒戈口春反旆宿疑舊口口順
冰銷口口 神衷口口 口口悠悠口口見斯口口
畢口口口口口口文豔雕龍將五色而口彩韻諧口鳳
與八音而同節逸思掩於口口藻超於口口口口
勅口口口表讚其書曰口口并 上釋奠口殊爲口口
口口口清詞爛其盈口口口口逸氣口已凌雲驥

口九重不足方斯綺麗口口五彩無以比其鮮華楊雄
揆口高蹤口遠黃口口口口口口口口口口口口口口
口昔強秦之末政教口遲縉紳以口口口墳典以爲灰
夷逮炎漢口口口口口口學憲章斯口口藝口口口三
國迄于晉宋口口可略而言之近口隨口將謂天下口
口口口口口口口口口鑑口口隨口口愴恨朕少逢口
口之口長遇干戈之口口口茲宸極執口璇璣口阪泉
口口之功口口之矣靈口口靡之德則未可庶幾雖然
亦常有意乎雕蟲存心口口口開獻書之路口口口
賢口口蒲輪亦以之矣口學謝口口文慈口口口口口

□□春言□□□國老求於□庠庶老□於□□聽廣
論而□□導深義而□□洪□待扣扣無不應幽谷發
聲聲無不□□□□□□□□□□□□□□□□□□□
早□□□□羅百氏□□□經□涌珠泉情抽蕙□□
西□□□起□方今濟南□□重興□茲□□□□□□
□於縹帙□□遍於青衿翰苑詞林□其□□□□□□
□□□□□奉 勅□換五經義疏公博極羣書遊□
衆藝前前□之糝繆□往哲之□□□萬□之儀刑□
一口之標的□ 勅□名□經□義□國子監施行賜
物三百□公敦□□之□足追□□之鳴言□請歸□

優詔不許□□聞奏始蒙□□□貝防閭□□□□

又使中書令□□□□□□問榮寵之極曠古罕□

□世望於□陽□□公□之□□□功於日觀□□司

□□□□□□□□光□□□□木□夢環海□□□□

千月之□以□□□□□□□□□□□□□□□□

康里第春秋□十有□□感□□□□□□□□魏□

之惜□□□晉人之傷衛玠□□□□□□陪葬

昭陵喪事所須率由官□□□□□□□□□□公礼也□

□遺老陪□陵而起墳□□□□□□□□陽而卜□□□

□□隔代同榮惟公氣稟五常道□□□得孔甫之具

體惣□□□□□□□□之奇書探賸索隱東館南
宮之逸□□□□□□於□□無□□□□□□
□□於□□不假張□□之□道□□□□以賤貧而易□
行□□無以權□□而□□志□□耿□□性□□□□□□
之謙□□宋宏之方□推賢進□後已先人舉事而□
□□□□而成準的乃□□□□之翹楚□□□□□□
將創□□□□□□□□□□□□異端公才披舊
□□章故實剛裴□□之制□□蔡□□之節文酌今古之
儀得豐儉之□□衣博帶□□不□□□觀之始□翬□
□□□樂□□□□□□□□□□□□□□□□□□

□□□□小雅之詩□□刊定奉□修隨史五十□

□□□□五經正義一□□十□邁南董於曩□逾

孟慶於□書□□闕□□□□□□□□□□

□□此未奇□□□□□□□□尚□□制□□振□

臺□□創□□□□稷嗣以□方□□□□□豈謂食新

爲災夢乘成□□粵之藥無效齊鵠之言□□遂□山

陽之□□□長□之□□官之□□□□□之聲□子

□□□悲□□□□□□□而無期□極□□對風枝而

□慟□鐘律易□陵谷難常昔□氏□□□傳三□楊

□□執長勒四碑敬陳伐閱樹之□□□□□

口赫口口口口崇口靈鳥降神口口口口惠口溫室口
 光闕里口口口口芳流偉史誕生令哲口準絕羣百口
 挺秀九畹騰芬口口口略囊括邱墳凌雲緝藻口口口
 口口口羣籍網羅口口口邁口口思窮五際口口名口
 錙金口繫藻口潘言口口孫筆世尙口口時敦學植賔
 鴈成行翹車轉軾金馬口口辟池攝職口口口風口
 口詠惠飛纓口口口口口口口口口口三口獻書
 口口口口口闡六學口口百察官冕口口口口石口礎
 口口矣口口口哉智囊坐嘶白馬墳瘞黃腸九泉雖閱

千載名揚

右孔穎達碑于志寧撰其文磨滅然尙可讀今以其可見者質於唐書列傳傳所闕者不載穎達卒時年壽其與魏鄭公奉勅共修隋書亦不著又其字不同傳云字仲達碑云字冲遠碑字多殘闕惟其名字特完可以正傳之繆不疑以冲遠爲仲達以此知文字轉易失其真者何可勝數幸而因余集錄所得以正其訛舛者亦不爲少也乃知余家所藏非徒玩好而已其益豈不博哉

集古錄

右唐孔穎達碑于志寧撰世傳虞永與書據碑云穎達卒於貞觀二十二年時世南之亡久矣然驗其筆

法蓋當時善書者規摹世南之書而爲之者也

金石錄

孔祭酒碑世傳虞永興書非也冲遠之沒迺後伯施十年豈非當時學永興法者耶然筆勢迥媚亦自可

珍

東觀餘論

碑半沒土中年壽字半泐隱隱可讀云貞觀二十二年六月十八日暮春秋七十有五然則歐陽公所有碑與今碑略同數百年間豈無剝蝕之災且昭陵諸碑多不可讀而孔公碑獨尙如此或公有功於六經而鬼神呵護之耶

石墨
鏤華

孔穎達碑螭首嵌空處有至正四年三月顧游特看

此碑墨書十四字趙峒子函云在泥土中拂拭之如
新子函見時爲萬歷戊午溯至正甲申已二百七十
五年而墨書無恙斯足奇也

金石錄補

碑已磨泐可識者僅二百餘字石墨鏤華所云貞觀
二十二年六月十八日薨春秋七十有五已不可識
矣明苟好善作醴泉志云孔穎達碑存字千時崇禎
十一年也相去百餘年頓失八九好古者所宜亟爲
保護者也按金石文字記孔穎達碑作貞觀十六年
集古錄云二十二年與石墨鏤華合宜從集古

雍州金石

記

右曲阜憲公孔穎達碑新舊書本傳竝云字仲達宰相世系表則云字冲遠碑雖曼患而冲遠字特分明表所書二代名諱官階盡與碑合汲古閣本脫穎達一格監本初不誤也穎達長子名志元碑與表同而傳但作志蓋宋人避諱去下一字然傳諱而表不諱宅傳於元字亦多不避當時史官非一手無素定之

例故也

潛研堂金石文跋尾

按此碑文凡二千五百餘字集古錄已云字多殘缺石墨鏤華猶及見堯年月及春秋七十有五今已盡滅然雍州金石記云可識者僅二百餘字今

所見本尙存一千六百餘字何多寡之數若此豈摹搨人工拙懸殊耶碑但有撰人無書人亦無立碑年月碑書撰文者于志寧題銜云禮部尙書兼太子左庶子上柱國黎陽口開國公于志寧字仲謚撰撰人書名及字與蜀王師益府君碑同然彼碑云字處謚此云仲謚舊唐書傳不著字新書傳及宰相世系表皆云字仲謚與此碑同則當從仲謚爲是也黎陽下關一字是縣字舊唐書于志寧傳貞觀三年加授散騎常侍行太子左庶子累封黎陽縣公十四年兼太子詹事明年以母憂解高

宗爲皇太子復授太子左庶子遷侍中永徽元年
加光祿大夫進封燕國公此碑尙是黎陽縣公則
卽貞觀二十二年葬時所立新書傳則云晉王爲
皇太子復拜左庶子遷侍中加光祿大夫進封燕
國公晉王爲皇太子乃貞觀十七年事而此碑在
二十二年猶題黎陽則新書傳未晰也又碑題禮
部尙書兩唐書皆不載亦畧也舊唐書傳云孔穎
達字仲達冀州衡水人也祖頌後魏南臺丞父安
齊青州法曹參軍穎達隋大業初舉明經高第授
河內郡博士時煬帝徵諸郡儒官集於東都令國

子秘書學士與之論難穎達爲最時穎達少年而
先輩宿儒恥爲之屈潛遣刺客圖之禮部尙書楊
元感舍之于家由是獲免補太學助教太宗平王
世充引爲秦府文學館學士武德九年擢授國子
博士貞觀初封曲阜縣男轉給事中六年累除國
子司業歲餘遷太子右庶子仍兼國子司業與魏
徵撰成隋史加位散騎常侍十一年又與朝賢修
定五禮進爵爲子庶人承乾令撰孝經義疏太宗
以穎達在東宮數有匡諫與左庶子于志寧各賜
黃金一斤絹百匹十二年拜國子祭酒仍侍講東

官十四年太宗幸國學觀釋奠命穎達講孝經上
釋奠頌手詔褒美與諸儒受詔撰定五經義訓凡
一百八十卷名曰五經正義付國子監施行十七
年以年老致仕十八年圖形於凌烟閣二十二年
卒陪葬昭陵贈太常卿謚曰憲新書傳同後附子
志終司業志子惠元又爲司業累擢太子論德三
世司業時人美之此皆可與碑參校補闕也穎達
撰五經正義自序稱周易十四卷與朝散大夫行
太學博士馬嘉運守太學助教趙乾叶等對共參
議詳其可否至十六年又奉勅與前修疏人及給

事郎守四門博士上騎都尉蘇德融等對勅使趙
宏智覆更詳審爲之尙書二十卷與朝散大夫行
太學博士王德韶前四門助教李子雲等謹共銓
叙至十六年又奉勅與前修疏人及通直郎行四
門博士驍騎尉朱長才蘇德融登仕郎守太學助
教雲騎尉隨德素儒林郎守四門助教雲騎尉王
士雄等對勅使趙宏智覆更詳審爲之毛詩四十
卷與王德韶徵事郎守四門博士齊威等對共討
論辨詳得失至十六年又奉勅與前修疏人及趙
乾叶登仕郎守四門助教雲騎尉賈普曜等對勅

使趙宏智覆更詳正禮記七十卷與中散大夫守
國子司業朱子奢國子助教李善信守太學博士
賈公彥行太常博士柳士宣魏王東閣祭酒范義
頽魏王參軍事張權等對共量定至十六年又奉
勅與前修疏人及儒林郎守太學助教雲騎尉周
元達儒林郎守四門助教雲騎尉趙君贊王士雄
等對勅使趙宏智覆更詳審爲之春秋三十六卷
與朝請大夫國子博士谷那律四門博士楊士勛
朱長才等對共參定至十六年又奉勅與前修疏
人及馬嘉運王德韶蘇德融隨德素等對勅使趙

宏智覆更詳審爲之據新唐書藝文志五經正義

周易十六

此誤舊書十卷與序同

卷國子祭酒孔穎達顏師

古司馬才章王恭馬嘉運趙乾叶王談于志寧等

奉詔撰蘇德融趙宏智覆審尙書二十卷孔穎達

與王德韶李子雲等撰朱長才蘇德融隨德素王

士雄趙宏智覆審太尉揚州都督長孫无忌司空

李勣左僕射于志寧右僕射張行成吏部尙書侍

中高季輔吏部尙書褚遂良中書令柳爽宏文館

學士谷那律劉伯莊太學博士賈公彥范義頽齊

威太常博士柳士宣孔志約四門博士趙君贊右

內率府長史宏文館直學士薛伯珍國子助教史
士宏太學助教鄭祖元周元達四門助教李元植
王真儒與王德韶隨德素等刊定毛詩四十卷孔
穎達王德韶齊威等撰趙乾叶買普曜趙宏智等
覆正禮記七十卷孔穎達朱子奢李善信買公彥
柳士宜范義頽張權等撰與周元達趙君贊王士
雄趙宏智覆審春秋三十六舊書誤作三十七卷孔穎達
楊士勛朱長才撰馬嘉運王德韶蘇德融與隨德
素覆審此五經正義新唐書所載刊定姓名與自
序詳畧不同蓋其精審如此故能獨有千古而碑

於此事文既簡畧復多缺泐因詳記於此唐書宰相世系表下博孔氏出自闕內侯福七世孫郁後漢冀州刺史生揚下博亭侯子孫因居焉七世孫靈龜後魏國子博士生碩後魏治書侍御史碩生安齊青州法曹參軍碩與安卽穎達之祖父也穎達子志元志約志亮志元子惠元惠元子立言脊言新書傳惟有志元一人而但著志字碑則志元已泐然潛研猶及見之穎達薨於貞觀二十二年年七十五推其生在北齊後主武平五年煬帝大業初年僅二十餘傳故云穎達少年先輩宿儒恥

爲之屈也碑云葬於萬口縣平康里第縣名闕一
字以臆度之當是雍州京兆郡之萬年縣也傳稱
上釋奠頌手詔褒美今碑中節取其文約三百餘
字惜闕泐難卒讀也碑書灰燼作灰素省文也闕
閱作伐閱借用字又墓上又一石題唐國子祭酒
孔公墓八字隸書石高三尺六寸字徑八寸無年
月當是後人所題附記于此

太宗哀冊文

裴本高廣行字
皆不計正書

維貞觀廿三年

歲次己酉五月甲辰

朔廿六日己巳

太宗皇帝崩于翠微宮之含風殿旋殯于大極殿之西

階粵八月庚子將遷坐于昭陵禮也鳳紀疑秋龍

帷將曙溢化同軼綿區編素哀子嗣皇帝覽風

樹而增感攀銅池而拊膺迫宗祧之是寄傷往

駕之無憑奠樽盈而悲序促靈景翳而愁雲興去劍滋

遠清徽方閱爰詞司存傳芳瓊字其詞曰

三微固祉五曜垂文光昭司牧對越唐勛族著靈牝家

傳縉雲高祖配天一人有慶大行神武維幾

作聖良書自得高文成性夙表餘雄先懷反正蒼咒爰

發朱旗首令環瀛昏墊關洛荒蕪妖傾地軸盜弄乾樞

戎衣光啓霸政宏，暮天兵電照月陣。風馳蚩尤逼，剪髮
竄威誅閭位。不虔餘分興，戾先收秦組。次焚商袂，轉圓
上略容光下。濟徙邑垂仁，賓門灑惠脩。風順軌凝，岳奉
睿青屐。同規蠶珠叶，契發揮三五聲。叨遐裔泛野休
兵靈臺，偃革升巖。藏銑遵河奉，銚學肆徐輪。丘園散帛
就日攸宜，如天在斯。刑哀動植化，美墳鏡樂華。曾舉禮
葉旁垂沙，塲磬翦斗極。咸羈狼山入，罔瀚渚歸池。東旌
若木西旆條，支龍鄉委畫。鳥服來儀大矣，乘時悠哉利
見文龜浮沼，應龍在淀。涵露飛甘卿雲呈，絢松蕙望幸
瑤華方薦仙丹，殷衍星飛。告變凝沘氣於升年，掩琿暉

於離殿嗚呼哀哉商管初秋飛絃罷俗驚川悠緬宮車
晏出大隧弗營元龜獻吉展輪効駕義和司日迫 靈
心於將餞痛 皇情其如失凝清秋於廣路遡悲風
於長術經柏梁而徐轉邁蘭池而從 蹕聳輕旛之
逶迤動邊笳之蕭瑟嗚呼哀哉周營甫寧漢啓泉關穀
林搖落橋巖變衰平原淒兮白日遠深渚澹兮秋雲飛
覽銅爵而興慕傷鼎湖之不歸嗚呼哀哉瞻陵嶽壤隔
山窮路虛衛翻英輕池委素義庭易晚松陰難曙萬方
悲而雨泣三靈慘而雲浮嗟厚德之長違仰高天而攀
慕嗚呼哀哉崇基永煥置業方昭遺風餘烈天長地久

想 神襟而騰茂縱史筆而揚翹籠嘉聲於日月終
有裕於唐堯嗚呼哀哉

按唐太宗哀冊文唐文粹署爲褚遂良撰明時吳
江史明古得褚書真蹟藏之後歸王元美用以上
石今從其本鈔出與唐文粹互勘首行維貞觀廿
三年下石刻空八字文粹云歲次己酉五月甲辰
又崩于翠微宮石刻塗去崩字殯於太極殿帖脫
殿字溢化同軫帖闕溢字夙表餘雄帖闕餘字遡
悲風於長術帖脫術字此皆可據文粹補也宋景
濂跋謂首闕八字疑非真蹟不知八字之外更脫

四字尙未深考又鳳紀疑秋文粹作鳳管疑和悲
序促文粹作悲緒促天兵電照文粹作天兵電掃
義和司日文粹作端圭司日凝清秋於廣路文粹
作凝秋林於廣路又義庭易晚四句文粹約爲二
句云堯門閉而日慘義庭易而雲呀此皆文義之
可通者宜兩存之至石刻云大皇帝崩於翠微
宮之含風殿旋殯於大極殿之西階兩大字
皆同太粵八
月庚子將遷坐於昭陵文粹太宗作大行舊唐書
太宗紀八月丙子百寮上謚曰文皇帝廟號太宗
庚寅葬昭陵則當上哀冊之時已有太宗之號帖

作太宗似合禮制然玩文氣下稱崩於翠微宮則上稱大行皇帝與文粹所載前後各哀冊之例同且本篇後有大行神武句與高祖配天相承不曰太宗而曰大行則文粹爲不誤也玩石刻二處本皆大行字於行字塗改作宗字吳匏菴跋云蓋嘗有獻入前代御府者故并崩字皆塗改耳翠微宮在終南山雍錄云武德八年造名太和貞觀二十一年改翠微冊府元龜翠微宮視朝殿名翠微殿其寢殿名含風殿太極殿在西內太極宮卽隋之大興宮也唐六典云太極門內曰太極殿朔望則

坐而視朝焉隋曰大興殿武德元年改太極殿舊唐書高祖紀隨遜於舊邸改大興殿爲太極殿高祖卽皇帝位於殿中終南山在城南五十里據太宗紀貞觀二十三年四月己亥幸翠微宮五月己巳崩於含風殿秘不發喪大行御馬輿五十里而入西內太極殿也紀稱八月庚寅葬昭陵是月癸酉朔葬日庚寅爲十八日則庚子遷坐在廿八日兩唐書禮志無葬後遷坐之文哀冊藏於元宮是葬前所制何以葬後十日行遷坐禮而猶謂之哀冊文也文粹所載前後諸帝后哀冊皆云某日遷

坐於某陵稽其日正葬日也方悟所謂遷坐者卽是請大行赴山陵之辭別無遷坐之禮也然紀稱庚寅葬而支用庚子則疑不能明矣高祖配天是推原王業之所由起正對下大行神武而言文粹作高配於天誤也蒼兕爰發文粹作蒼兕本史記齊世家武王東伐尙父誓師有蒼兕蒼兕總爾衆庶之語石刻誤也徙邑垂仁卽改邑不改井之義文粹誤作徙邑遵河奉壁石刻誤作奉壁瀚渚歸池指東伐高麗事猶言海渚也文粹誤作潮渚龍鄉委賚廣韻賚琛財貨也會禮也猶獻琛之意文

粹誤作委貴仙舟斂衛似本莊子藏舟於壑語唐人碑誌多用以喻形骸斂藏之意文粹誤作劍術石刻誤作仙舟商管初飛秋絃罷俯文粹飛秋二字誤爲倒互輕池委素文粹作輕馳委素對上句虛衛醜英則馳字爲確蓋石刻與文粹各有摹勒傳寫之誤因訂正之如此

太宗賜孫真人頌

碑高五尺廣二尺五寸頌三行行十一字正書徑四寸後跋十行行四十六字亦正書在經州五臺山

唐太宗賜真人頌

五泉閑客揚聰書

鑿開徑路名魁大醫羽翼三聖調和四時降龍伏虎拯
衰救危巍巍堂堂百代之師

方外友華下李濟道好古有爲之士也以先師居
有唐孫真人舊隱殿堂歲久損壞完復一新凡碑
刻缺裂不完者必移之他石在觀有大定癸卯間縣
宰完顏宗璧所書唐太宗賜真人頌碣火裂而損
甚將移之未暇癸卯歲郡人駱志全禮山主李公入
道山居忽以數力擡昇而來告曰不幸雙目暴尔失
明又反胃飲食不納苦楚不禁唯自盡可免濟道止
之曰人之疾苦必以藥餌救料又有祈請之事實

真人醫術冠絕唐代所畱方論後人用之無不獲効
今遺象在堂若誠心禱之豈無應驗志全敬受教置
水一鉢於 真人前銘心致禱以水煮粥食之不反
吐粥食漸進不兩旬疾漸平志全愈加誠敬一日卧
北窗下告之道伴曰我見窗櫺上白四指許所見日
加一月後兩眼復明一方驚歎四月初濟道過舍而
請曰將移頌石收告數字以識歲月備道前事予歎
曰有是哉異聞也其可隱乎因記移頌表而序之以
告來者庶乎共知 真人靈驗唐皇所賜之頌非虛
美也昔乙卯歲四月上旬谷口遺老邛邛用謹述

宣授耀州太守李魯孫 同知趙彥 華原縣令王

祥 丙辰年重九日觀王質真老人李素舟立石

宣差京兆府路副都總管劉尙 前耀州太守王浩

清安老人楊素一助緣 南陽逸士張志和刊

孫思邈福壽論

碑高四尺廣三尺橫列四層各三十三行行十二字正書在耀州五臺山

福壽論

唐處士孫思邈撰

聖人體其道而不爲也賢人知其禍而不欺也達人斷其命而不求也信人保其信而靜守也仁者守其仁而

廉謹也士人謹其土而謙敬也凡人昧其理而苟非為
 也愚人執其愚而不憚也小人反其道而終日為也福
 者造善之積也禍者造不善之積也鬼神蓋不能為人
 之禍亦不能致人之福但人積不善之多而煞其命也
 富貴者以輕勢取為非分也貧賤者以佞盜取為非分
 也神而記之人不知也夫神記者明有陰籍之因又按
 黃庭內景云夫人有万餘神注
 身三尸九蟲善惡童子錄之奏上况有陰冥
 之籍也愚痴之人神不足神有餘者人亦不可一
 二咎而奪其人命也亦有爵被人輕誦及暴見貶黜削
 其名籍遭其橫病者多理輔不法所致也理輔不正不
 死者其壽餘祿未盡也正理輔而死者算盡也貧者多

壽富者多促貧者多壽以貧窮自困而常不足不可謂
壽富者多促而奢侈有餘所以折其命也乃天損有餘
而補不足亦有貧賤飢凍曝露其屍不葬者心不吉之
人也德不足是以貧焉心不足是以死焉天雖然不煞
目取其斃也不合居人闕承天地之覆載戴日月之照
臨此非人者也故有官爵之非分車馬之非分妻妾之
非分己上謂之不仁之非分也有屋宇之非分粟帛之非分衣食之
非分貨易之非分己上謂之不儉之非分也則神而記之三年五年
十年二十年不過此過此神而追之則死矣官爵之非
分者崎嶇而居之賄賂而得之德薄而執其位躁求而

竊其祿求其躁取而必強強而取之非分也卽有災焉
病焉死焉神已記之人不知也車馬之非分者市馬恡
其價而馬欲其良水草而不時鞭勒而過度奔走而不
節不知驅馳之疲不知遠近之乏不護嶮阻之路畜不
能言天哀力竭此非分也神已記之人不知也妻妾之
非分者所愛旣多費用必廣淫佚之道必在驕奢金翠
之有口蘭膏之有棄惡賤其紋綵狀飫其珍羞人爲之
難余爲之易人爲之苦余爲之樂此非分也神已記之
人不知也童僕之非分者以良爲賤以是爲非苦不憫
之樂不容之寒暑不念其勤勞老病不矜其困憊鞭撻

不問其屈伏陵辱不問其親疎此非分也神已記之人
不知也屋宇之非分者人不多而構其廣厦價不厚而
罰其工人以不義之財葺其無端之舍功必至飾必明
斤斧血力木石勞口神不知環堵之貧蓬戶之陋此非
分也神已記之人不知也粟帛之非分者其植也廣其
穫也勞其農也負其利也倍畜乎巨廩動餘歲年盜賊
之羈縻雀鼠之巢穴及乎困農負債利陷深冤此非分
也神已記之人不知也衣食之非分者紋綵有餘餘而
更製箱篋之無限貧寒之不施不念保露之凌寒布素
之不足以致蠹魚鼠口香豔腐爛此非分也神已記之

人不知也飲食之非分者一食而須其水陸一飲而聚其絃歌其食也寡其費也多民之糠糲不充此以臚賦有棄縱其僕妾擲泥塗此非分也神已記之人不知也貨易之利厚不爲非分利外尅人此爲非分接得非常之利者祥也小人不可以輕而受之其所鬻者口所口者貴彼之愚而我之賊賊而得之者禍也倖而得之者災也分而得之者吉也屈而得之者福也夫人之死非因依也非病瘵也蓋以積不仁之多造不善之厲神而追之則矣人若能補其過悔其咎布仁惠之恩垂憫恤之念德達幽冥可以存矣尙不能逃其往負之災不

然者其禍日多其壽日促全之得盈福之已竭且無義
之富血屬共之上之困焉下之喪焉如此者於我如浮
雲不足以爲富也人若奉陰德而不欺者聖人知之賢
人護之天乃愛之人以悅之鬼神敬之居其富而不失
其富居其貴而不失其貴禍不及也壽不折矣攻劫之
患去矣水火之災除矣必可保生全天壽也

福壽論

耀州五臺山 靜明觀主質真老人李素舟伏見

真人福壽論雖載於 道藏而少見行於世者又憫
其時人而積善者少而積惡者多故以此論剋諸石

庶廣於世而不長絕抑使後之見聞者改惡從善者
耳歲在丙辰秋九月望日觀下 李素美 毛素一

曹素圭 同志和 駱志全 葉志英 秦志一

王志慧 王志安 鄭志安 李志松 羅志遠

劉德童 師堅童同立石

助緣人 池陽清安人揚素一 雲陽縣湛然逸士

淡坤 前同官縣令揚茂 清真子似志榮 五泉

閑客揚聰書丹 南陽逸士張志和刊

按太宗賜孫真人頌及孫思邈福壽論碑皆元人
揚聰書一刻於丙辰年重九日一刻於丙辰年九

月望日一碑之立先後僅距六日耳丙辰爲元憲宗嗣位之六年碑在耀州五臺山孫真人祠陝西通志五臺山在耀州東三里自唐簡峻折而西北一峰特起曰鑑山下有五峰蓋真人孫思邈隱居地有大元洞或云真人療龍處下有聚虎坪卽真人伏虎處此太宗賜頌所云降龍伏虎者也又太元洞西有洗藥池爲真人洗藥處又洞東北八里爲真人故宅此孫真人祠之大槩也唐書隱逸傳孫思邈通百家說善言老子莊周居太白山隋文帝以國子博士召不拜太宗初召詣京師年已老

而視聽聰瞭帝歎曰有道者欲官之不受顯慶中復召見拜諫議大夫固辭上元元年稱疾還山思邈於陰陽推步醫藥無不善初魏徵等修齊梁周隋等五家史屬咨所遺其傳最詳永淳初卒年百餘歲其孫溥後爲蕭丞思邈事蹟見於史者如是而已未嘗載有太宗賜頌之事此所刻頌語有可疑者如曰羽翼三聖不知其何指思邈生于周長于隋入唐則歷高祖太宗高宗三朝在隋文時雖召以官不得言羽翼且太宗亦不得稱隋文爲聖在唐三朝太宗是第二世安得遂有三聖之稱明

係後人須思邈之辭而謂其經歷三朝也又唐世
諱虎字太宗不得直用降龍伏虎字尤爲明證唐
書傳列思邈於隱逸祇叙其抱道不仕無一語及
神仙事實則未嘗以真人目之其所著千金方千
金翼方等書唐書藝文志祇稱之爲孫思邈撰至
道藏載其書始冠以孫真人之號真人之封始于
宋崇寧二年三月境內不雨知軍州事王允中詣
祠禱雨有應請于朝賜廟額曰靜應勅封妙應真
人有碑見後卷則太宗賜頌必是宋時道流僞託

惟思邈所撰福壽論一篇

孫真人祠記作福壽論三卷與此異李素

舟跋謂載於道藏少見行世今檢道藏羣字號載
福壽論與靈信經旨同卷題曰唐太古妙應孫真
人述則思邈封號又加太古二字矣兩碑俱元刻
福壽論錄之足以勸世太宗頒雖不能確信亦附
存之思邈入唐被召在太宗朝因並附太宗之末
書者楊聰無攷

王師德等造像記

石高二尺六寸七分廣一尺七寸五分
十五行行二十二字正書在洛陽龍門

淳于敬一制文

大像主王師德成伏德夏侯雅沈端沈士公賈達張則

劉客僧許士政封遐張荀子徐口朱懷成難隨劉倫劉
君口賈奴奴程徹張徹張桂張表毛天生張端王愛
竊聞無上慈尊隨緣演教廣開方便汲引羣迷故知極
彼浮泡救斯沉溺若不示跡現容凡生何以歸仰爰暨
夢靈西照象法東流或斲玉摸形或刻檀爲質今有洛
陽鄉望父老等卅人並修因往劫生在太平思念大聖
無猶得覩遂謹於此堪敬造尊儀因山之固鑄瑩真容
藉此庄嚴同希浮境庶使城空芥盡福智常流劫石衣
銷法輪恒轉不因刊勒何以口功冀盛德長存芳徽永
著其上資皇家下沾靈譏詞曰

口理幽靈真趣無形相有分別事口化城鄉中高士邑
口達人心樂三寶情捐六塵優遊智岸芙蓉法律愛口
斯口口口方新

大唐永徽元年建造

碑文寫斲為斲檀為檀儀為儀庶為庶皆別字云
芙蓉法律可証芙蓉即從容譎字本草經有肉芙蓉吳
普曰一名肉松容漢人芙蓉字多作夫容是從芙蓉非
古字明矣碑碣之文可知字體之變往往如此

中州金石

馬周碑

碑連額高九尺八寸廣四尺四寸三十七行下截刻
每行約六十五字隸書額題大唐故中書令高唐
馬公之碑十二字篆
書在醴泉縣昭陵

蓋聞闕而不口口口口之口口同闕下神凝物表久

抗梁甫之吟運拒口來思效扶搖之舉方口口口域闕下

下省修起居注超綜國言虞司帝舉良直之道驟簡

宸心貞觀六年口口口口口無競惟人八年擢授承

議郎行侍御史頃之加位貞外散騎侍郎仍行本口口

口口口口口口口二年轉守中書舍人久之遷持書侍御

史彭纓西掖潤元紱以申口口口口南口口口口口

口口口口口口口下淳贊端拱之元猷將致五刑之厝弥

綸 昌運寔允具瞻

□□□□□□□□

□□□□□□□□_下而飛文揮翰鵝波入 紫宸而衍

詰任遇斯極時論策之及 大□□□□□□□□

□□□□□□□□_下關□□□五□而□□十八年

□正議大夫守中書令仍兼左庶子□兼朝□□□□

□□□□□□□□_下關□□□□□而順動迺□

□隨駕□□中山軍國務殷□歸□ □后□□

□□□□□□□□_下關□□青□□□□□金□黃

□靜□趨□□□□□□_下關建禮之□□□□□□□

□□□□□□□□_下關銀青光祿大夫□□飛□□

□□□□其□□□□□□□□無所□□□□□□

下幽□莫不□□ 聖□□發 神衷哀善之義

以彰□人之舉□盛□□□□□□□□□□□□

□□下臣特超於終古俄嬰沉瘵攝餌私庭分玉饌於

仙厨驛珍羞於御府 綸□□發□□□□□□□□

□□□□下正月九日薨于萬年縣之隆慶里第春秋

冊八 太宗撤懸□悼慟結□殯□

□□□□□下詔以其年歲次戊申三月辛巳朔

四日甲申陪葬于 昭陵賻□□□□□□葬事所

須□令官□□□□□下茅社而旌德永徵二年 詔

詔贈高唐縣開國公食邑一千戶恩兼□□禮□□□

□□□□□□□□□□□□□□□□_{下書贈幽}

州都督高唐縣開國公馬周字量沖深思用節舉昔佐

藩邸□□兼隆逮□□□□□□□□□□□□□□

_下宜申旌壤之義兼加延賞之恩可贈尚書右僕射餘

官封如故其子□□朝散郎□□之 恩□□□□□□

□□□□□□□□□□_下夷簡神情朗晤天經地義基

百行以立身觀隕升堂包四科而敬業蕪□□量□□

□□□□□□□□□□□□□□_下高步文昌之右

靈無私於雨露隨方被霑沐之歡變大造於陰陽稱物

平公之施□□□□□□□□□□□□
下明故得任

切近機榮躋上秩附蟬留影用表高潔之姿行馬□□

□□□□□□□□□□□□□□□□□□□□□□□□

下知至是焚之式苻藏用危縶逾迫無忘致美之心隅

燭既陳猶□□□之節□□□□□□□□□□□□□□

□□□□□□□□
下陰德無爽緝不搆以增遙契奪金

蘭幾凝悽於宿草芳留玉樹足慰□於□□□□□□□

□□□□
下

姬御疇庸超城開國望高秦右聲馳魏北弈葉提休蟬

□□德靈慶斯遠芳□□□□□□□□□□□□□□□□□

□□□□□_下滄茶思越純慮冥感至情天發□除穢

縞乃綜緹湘弋獵□□隱□文□□□□□□□□

□□□□□□□□_下雲幄累綜霜臺清襟月湛

朗議霞開黃扉夕拜紫禁朝陪簪纓□□□廟登材□

□□□□□□□□□□□□□□_下□□墳簫歲寒

增勵夙夜無虧望竦鶴關榮昭螭冕推轂謀暢持衡譽

□□□□□□□□□□□□□□□□_下□□贈□陵

歸□畢□式陳容衛載光電宓捨玦哀盈投□慕積

鈞臺□□□□□□□□□□□□□□□□□□

□□_下□□□□□□□□□□□□□□□□□□

此碑在大道傍周墓前殘闕爲甚存者僅四百餘字
非篆額字存幾不知爲馬周碑今摩碑者多不摩額
是一恨也

石墨
鐫華

周以貞觀五年爲中郎將常何薦令直門下省修起
居注六年拜監察御史擢給事中八年行侍御史加
員外散騎侍郎十二年轉中書舍人十五年遷治書
侍御史兼知諫議大夫檢校晉王府長史十七年拜
中書侍郎兼太子右庶子十八年爲中書令二十年
以本官攝吏部尙書明年晉銀青光祿大夫二十二
年正月九日

太宗本紀
作庚寅

薨贈幽州都督卽以其年三

月詔陪葬昭陵高宗永徽二年加贈尚書右僕射高唐縣開國公二史叙次官爵略同唯八年加員外散騎侍郎則缺者也以治爲持避高宗諱改

關中金石記

按此碑共三十七行文約二千二百餘字前後數行漫滅中存二十九行下截復多剝蝕存者約七百字而成句可讀者亦無多也兩唐書傳稱貞觀五年詔百官言得失周爲常何條二十餘事皆當世所切太宗怪問何以馬周對太宗卽名見詔直門下省而不言其修起居注碑則有之且云超綜國言虔司帝舉良直之道驟簡帝心此正起居注

之職也唐書百官志無直門下省之專員惟云隋始置起居舍人二員貞觀二年省起居舍人移其職於門下置起居郎二員掌起居注錄天子之言動法度以修記事之史蓋是時周初見太宗未及授官先令直門下省而任起居注之事則直省非門下之專員也持書侍御史舊唐書職官志後周爲司憲中大夫隋諱中改爲持書御史武德因之貞觀未避高宗名改持書御史爲中丞新書百官志注高宗改治書侍御史爲中丞以避帝名文獻通考云漢宣帝元鳳中感路溫舒尙德緩刑之言

季秋後請讞時帝幸宣室齋居而決事令侍御史
二人持書持書御史起於此也魏晉以下歷代因
之皆作持書別無治書之名卽高宗避諱是避嫌
名改持書爲中丞非改治爲持也傳云貞觀十五
年拜中書侍郎兼太子右庶子十八年遷中書令
依舊兼太子右庶子碑則作左庶子與傳異也碑
云正月九日薨於萬年縣之隆慶里第太宗紀二
十二年正月庚寅馬周薨通鑑目錄是月壬午朔
庚寅正九日宋敏求長安志唐京城朱雀街東第
五街永嘉坊次南興慶坊注云本名隆慶明皇卽

位改興慶坊內東南隅有中書令馬周左僕射溫
國公蘇良嗣二宅是周第宅所在也碑云其子口
口朝散郎下闕舊書傳則云子載咸亨年累遷吏部
侍郎新傳云咸亨中爲司列少常伯與裴行儉分
掌選事而皆不及其貞觀末之爲朝散郎也傳又
稱周臨終索所陳事表草一快手自焚之慨然曰
管晏彰君之過求身後名吾弗爲也碑云至是焚
之式符藏用卽此事也周陪葬昭陵按長安志昭
陵圖馬周墓在百城寺南李大亮墓之左姚士廉
墓之右碑無建立年月但有永徽二年贈爵之文

卽當繫於是年

金石錄編卷四十七終